

სასაღსო ზაფხული

სურათებიანი დამატება

გაზეთის № 20.

კვირა, 30 მაისი 1910 წ.

დამატების № 3

მ ს ხ მ მ რ კ ლ ი

დრამა 3 მოქმედებად, სოფლის ცხოვრებიდან.

(შემდეგი *)

მოქმედება მეხამე

მეორე და მეხამე მოქმედების შუა გავა ორი კვირა.

(დეკორაცია იგივეა, როგორც პირველ მოქმედებაში. საქას დუქანთან სხედან საქა, გაბუა, მისა, სვიმონა. ხატო თავის სასაღსის დერეფანსა ჰგვის, რამდენჯერმე შევა და გამოვა სასაღსიდან).

სვიმ. (საქას) აბა საქაჯან, სხვას ვის უნდა მივმართოთ... ისევ შენ უნდა მოგვიმართო ხელი... მთელი სოფელი გთხოვს... გვასესხევი და ხომ იცი არსად გაგქცევით... ფეხი დავგაჭირეს გინდა თუ არა ის ნაჭერი იყიდეთ... შენ კარგად იცი უიმ მიწოთ ვერ გავძლებთ... ის რომ დავკარგოთ, აბა სხვა ჩვენ მიწებში რაღა ყრია... ე რამდენიც შევძელით შევაგროვებ... გვაკლია ორმოცდაათი თუმანი... თამასუქს მოგცემთ... ნუ დაღუბამ სოფელსა.. შენც ჩვენი ხარ... რაც ჩემი თავი მახსოვს, შენ სულ აქა ვაჭრობ... რასაც იგებ, ჩვენგან იგებ... თუ გავლატაკდით, შენც მოგება დაგეკარგება...

საქ. რას ამბობ, ადამიანო, რასა?.. მაგოდენი ფული რა, ლობიოა თუ როგორ?.. მე და მაგოდენი ფული?.. გილდის კუპცებს არა აქვთ მაგოდენი ფული ახლა და საწყალ საქუას ექნება... ვა, მე, რომ ეგ ფული მქონდეს, აქ დავდებოდი?.. ვალით ყელთამდინ სამსე ვარ... ამოდენმა ნისიებმა ხო ძალა წაიღეს... შენკი მაგოდენა ფულს მესესხები...



ლოდინი. სურათი ვ. მაკ-ვეენისა.

მის. აბა რას ლაპარაკობ, თუ ღმერთი გწამს... ფული არა მაქო... ეს ხომ ვიცით ფული კარგად ბლომად გიყრია... მაგრამ ეგ ჩვენი საქმე არ არის... სოფელი გთხოვს გვასესხეო, გვიჭირსო... თუ ჩვენ შენ გაცხოვრებთ, თუ ჩვენი ოფლითა და შრომით სარგებლობ, ზოგჯერ მაინც ჩვენც უნდა გვიშველო ხოლმე... ხომ იცი სხვა სოფლებში ყველა შედუქნებს ხალხმა თავის სასარგებლოდ წლიური გადასახადი დაადო. ჩვენ კი შენ არას გართმევთ... ძნო, თუ ჩვენში ვაჭრობა არა გაქვს, და მართო ზარალი მოგდის, წალი მოგვმოზოდი... ხვალვე სხვა დადგება და სოფლის სასარგებლოდაც რასმე გამოიღებს... ჩვენ საჩუქარს ხომ არა გთხოვთ. გეუბნებით გვასესხეო... ე სარგებელიც რაც წესია

და რიგი აიღე... ხომ კარგათ იცი, ხო სოფელი გადინდის დროზე, მოსავალს წელს არა უჭირს რა, გავლენამთ, ზოგი ქერს, ზოგი ბზეს გაჭყიდის... შევაქუჩებთ და შენ შენი ჩაიბარე...

საქო. ეს კიდევ თავისას გაიძახის... ადამიანო! ჩემ ჯიბეში ხომ არა ზიხარ... ეს ოხერი რაც არა ყრია არა ყრია... ვა, ხაზინა მე დამრჩენია თუ როგორ არი... ვერა ხედამ დუქანი ცალიერი გლია... საიდან და რა?..

გაბო. მოიცა, თუ ღმერთი გწამს... ეს მიწა ხომ კნია-ზისიან უნდა ვიყიდოთ არა?.. იმ კაცს ფული უჭირს, ქალს ათხოვებს. თუ ჩვენ არ ვიყიდით, სხვებზე გაჭყიდის, ეგ ხომ ეგრე იქნება... მაშინ სოფელი რაღას იზამს?.. სულ დავიღუპებით... შენ თითონ იძახი სოფელზე ბევრი ნისიები მაქვსო, და ეს ტიალი, თუ კი ჩვენ საცხოვრებელს დავ-

კარგამთ, ეს შენი ნისიები სიადამლა უნდა გაგინაღლოთ?.. სულ არ დაიკრება... შენ იძახი ფული არა მაქვსო... კარგი. ვთქვათ მაგდენს ვერ გაიმეტებ რომ ნაღდი მოგვცე... ე ოც თუმანს ხო მოახერხებ, არა?..

მისა. მერე ოკი თუმნით რა უნდა გავხდეთ?.. ოცდაათი საღდა ვიშოვნოთ?..

*) იხ. სურათებიანი დამატება № 18.

გაბ. დამაცადე, მაგასაც გასწავლი... ეგ შენი ოცი თუმანი არა?.. კარგი ახლა ი კნიაზს, ხომ ვიცით, ნისია და ფულიც ბლომათა მართებს შენი. საქო, არა?.. ოცდა ათ თუმანზე მეტი თუ არა ნაკლები არ იქნება... აი, ადამიანო, გაუბარე მაგ ვალში ი ჩვენი ფულიდან ოცდა ათი თუმანი, ოცი თუმანიც ნაღდი დაადე, ჩვენც გვიშველი, შენც კარგათ მოიგებ... ორმოცდა ათ თუმანის ბარათს მოგცემთ, სარგებელსაც ზედ მივალთ...

სვიმ. აი გიშველა ღმერთმა!.. აბა, საქოჯან, უნდა დასთანხმდე... არ შეიძლება!.. ი მიწა რო დავკარგოთ, თუნდ სიცოცხლე დავვიკარგავს... კაცო, მამა პაპით იმ მიწას ვხმარობთ. ჩვენი ოფლი, სისხლა სულ მანდ არის ჩადვრილი, და ეგ რომ ხელიდან გამოგვეცალოს, რაღა უნდა ვქნათ?..

საქო. ვა, ე ხალხი გაგიყებულა?.. კაპეიკი არ მამაღია, უფლის მადლმა, ოცი თუმანი მოგვეციო...

მიხა. არც ის გინდა, არც ეს... მაშ ღუქანს თავი დაანებე... არ მოგცემთ ნებას ივაჭრო... წადი საცა გინდა... ან არა და ორმოცდა ათი თუმანი გადაიხადე სოფლის სასარგებლოთ... მართლა ის ხომ არა გგონია... სოფელს კიდე ბევრი ძალა აქვს... შენისთანებს კიდე მოუვლის...

საქო. კარგი ერთი, თუ ღმერთი გწამს!.. შენც მეორე ტეტანთ გიგუა გამიხდი ვა ვინც არა მგონია სულ საქოს აწინებს... ქეციანი ვირი ხომ არა გგონივართ... მეც კაი წიხლი ვიცი... ვა, ეს კაი ამბავია... მოდის ფულა მთხოვს და კიდევ მაწინებს...

გაბო. დაიცა, დაიცა საქო! ნუ ჯავრობ... ბიქს ცოტა გული გატეხილი აქვს... ბრაზზე ადვილათ მოდის... რაც ის უბედური ვანუა ჩამოახრჩეს გული გულის ალაგას აღარ არი... ე მიხვაც აბა იმის ძმათ ნაფიცი იყო... ნუ გაჯავრდები... აბა იმ უბედურმა სიცოცხლეც და სახელიც სოფელს შესწირა... ეს ხომ ვიცით მართალია ვაჭარი-მეღუქნე ხარ, მაგრამ მაინც კეთილი გული გაქვს... განა არ ვიცით იმ საცოდავის დედას როგორ შეველოდი, და შეველი კიდევ... მოდი და იმის სახელობაზე, იმის სულის გასახარებლათ სოფელს უშველე... უმანკო მსხვერპლი იყო და იმისი მადლი ბევრ წყალობას მოგცემს...

საქო. მედაჩემმა ღმერთმა, ქრისტეს გეფიცები... ისე მენანება, ისე მენანება, აი არ დაიჯერებ, როგორც ნამდვილი ძმა... ჰეი გიდი! ვინ დაარჩენს, ვინ არხეინათ დადის... უფალს გეფიცები აი იმის სულის მოსახსნებლად, აბა, დეე აგრე იყოს: ი ნისიას გამოუბრი კნიაზს, ერთ მანათსაც ჩემსას დავადებ, ეგ იმ უბედურის სულის მოსახსნებლად იყოს... მაგრამ ი ოცი თუმანისა რა გიყოთ, მაგდენი მე სადა მაქვს...

გაბუა. გიშველა ღმერთმა!.. მაგრამ თუ მადლსა შვრები მარლიც მოაყარე... ეგ ოცი თუმანიც უნდა საიდმე გვიშოვო...

საქო. აბა, გაბოჯან, უფლის მადლმა არა მაქვს, უნდა სხვას გამოვართო, და ხომ იცი კაი სარგებელიც მოუწდება...

გაბუა. აიღე, შენი ჭირიმე... რაც წესი და რიგია... ჩვენ ხომ უარს არ ვამბობთ...

საქო. ჩემი რო იყოს, უფლის მადლმა, აბა რა სარგებელი მიწოდდა, მაგრამ სხვას უნდა გამოვართო... ხომ იცი ფულის სიძვირე... ნახევარ წლით არ გინდათ?.. მანათზე ექვს შაურ ნაკლებ არავინ დაგჯერდებათ...

სვიმ. რას ამბობ, კაცო... ვის გაუგონია?.. მოდიდა სიკეთეს გვიშვრები... აბა სამი შაური აიღე...

საქო. მე რა უნდა ავიღო... ჩემსას ხომ არ გაძღვე... ნაკლებს არავინ დასჯერდება, თელეთის მადლმა...

გაბ. ცოლო, ცოლო, საქოჯან!.. საწყალი ხალხის ცოლო რათ გინდა?.. მოდი აბა აბაზი იყოს...

საქო. კარგი, ეგეც თქვენი ჭირის სანაცვლო იყოს... იქნება ხუთშაურს დამჯერდენ...

მიხა. კაცო, ქრისტე აღარა გწამს... მანეთზე ნახევარ წელში ხუთი შაური გაგონილა?..

საქო. რა ვქნა ნაკლებათ არავინ მომცემს... გინდათ აიღეთ...

გაბო. კარგი, აბა რას ვიზამთ, ყელზე თოკი გვიჭერია... საქოჯან თუ ძმა ხარ, თუ ცოტა მაინც გებრალება საცოდავი სოფელი, მოდი აბაზი იყოს...

სვიმ. ჰო, კარგი. რაღა ლაპარაკი უნდა... მოიტა ხელი საქო... აბაზად უნდა გვიშოვო...

საქო. არა, უფლის მადლმა, არავინ მომცემს... მოდი ორი კაპიკაც დაუმატეთ...

გაბუა. ე, საქოჯან, ორ კაპეიკზე რაღა გალაპარაკებს... მოდი, აბა ხელი, აბაზი... აბაზიც საწყოფია...

საქო. ე—ე, შე კაი კაცო, აბა ძალად მითანხმებ რაღა... აბა ესეც თქვენი ჭირის სანაცვლო იყოს... სოფლისთვის, სოფლისთვის, გაბუას მზემ აი... აბა ესღა რა იქნება, და ხვალ კნიაზს ი ნისიანხედაც მოველაპარაკები და ე ფულიც სადმე მეგულება. ზეგ ქალაღი დავწეროთ...

სვიმ. აბა მალარიჩიც შენი იქნება, საქოჯან...

საქო. ვა, ვა! სადაურია, ძმაოჯან, ფულსაც მე მართმევთ და მალარიჩიც ჩემი უნდა იყოს?.. ერიპა, ეგ სად წავა?...

გაბ. არა უშავრა, მალარიჩი ჩვენზე იყოს... აი ქალაღს დავწეროთ, და მალარიჩიც მაშინ იქნება... დღეს კ, საქო, ე ხელის ჩამორთმევისა კი შენი უნდა იყოს...

საქო. მიირთვით, მიირთვით, თქვენი ჭირიმეთ!.. განა ეგეც რომ არ იყოს... რატომ... (დუქანში შესძახებს) ბიჭო, შაქრო!.. მოიტა ე ხელადა ღვინო... ქვეით ტიკიდან ჩამოასხი... მწვანელიც, პური... აბა ხელათ... ტიკაც არ დაგავიწყდეს...

მიხა. მაშ ეგრე, ზეგ გავათავებთ... გაგიმარჯოთ! (უნდა წავადეს).

საქო. ვა, მიხაჯან, არა მკადრულობ, თუ როგორ არი... მობძანდი... ერთი სტაქანი მაინც მიირთვი...

მიხა. მადლობთ... არა მცალიან...

გაბ. მოდი, მოდი, შვილო! ცუდს არას ვაკეთებთ... კაი საქმე გავარჩევთ... (მიხა დაბრუნდება, მიუხედავად ეგეჯანის სტაქს... შაქრს გამოიტანს ღვინოს, მწვანელს და პურს).

საქ. (დასსხამს ღვინოს და მიაწვდის გაბოს) აბა, გაბოჯან... ერთი დაველოცე კარგათ...

გაბ. მიირთვი, მიირთვი, უფრო კაი ხელს უჭირავს... (ართმეგს ღვინოს, გადიწვდის ზიჯვანს) ღმერთო, უფალო! შეგვიწყალე ჩვენ... ღმერთმა აცხონოს ჩვენი უმანკო ბიქის, უბედურ ვანუას სული (დასწვდის პურს) იცოცხლეთ... გაგიმარჯოთ... კეთილი იყოს ჩვენი საქმე... (დასწვდის გადასწვდის საქას ჭიქას)

საქო. გადღეგრძელო ღმერთმა. (დასსხამს და სვიმონას) აბა, სვიმონჯან, მიირთვი...

სვიმ. მიირთვი თავად საქოჯან... (იღებს ჭიქას) გაგიმარჯოთ, კეთილად გამყოფოთ... დაილოცოს ჩვენი საქმე... (დასწვდის პურს) ღმერთმა აცხონოს უბედური ვანუას სული... შეგეწიოთ წმინდა გიორგის მადლი... (დასწვდის ჭიქას დასდგამს).

საქო. (დასსხამს და გადასწვდის მიხას) მიხაჯან!.. აბა ერთი შენც მიირთვი... უფლის მადლმა შენ კაი ბიჭი ხარ აი... ცოტა ფიცხი ხარ თორემ, თელეთის მადლმა, ძან მიყვარხარ აი... აბა მიირთვი შენი ჭირიმე...

მიხა. მიირთვი, მიირთვი... მე მერე გაიხლებით...

საქო. დალიე, დალიე მიხაჯან... პატიოსანი კაცი ხარ უფლის მადლმა...

მიხა. ღმერთმა ჩვენ ერთობას გაუმარჯოს, საცოდავ, დატაკ, ჩვენ ძმა გლესს მოუმართოს ხელი... იცოცხლეთ, გაგიმარჯოთ... (დაჯეკს)

საქო. (დასსხამს) უფალმა გაცოცხლოთ... შევეწიოთ თელეთის მადლი... გადღეგქლოთ... (დაწვეთებს ჰურზე) იმ უბედურის სულიც ღმერთმა აცხონოს.. გაგიმარჯოთ...

ყველანი. გაგიმარჯოს... იცოცხლე...

სვიმ. ე გიგუა კი არ სადა ჩანს, კაცო... მაგ ბიჭს რაღაცა ემართება... როგორღაც გადარეულსაგით დადის... არც არავის ეკარება... რავიცი რაღაცას ლაპარაკობენ... ძან ცუდათ არიო.

საქო. ადამიანო! უსვინიდიხო კაცს მოსვენება ექნება?... ჰოი, ერთი მაგ არამზადან ჯავრი ამომაცრევენა, და უფლის მადლმა, არას დავზოგამდი... ჯერ დაიცადე ბევრი რამ გამოჩნდება... იმ დღეს, კაცო,

დუქანში შემომივარდა, უფალს ვფიცამ ნამდვილ მგელ-კაცას გვანდა, აი!.. „არაყო!“ ვა, ვამბობ ამ ოხერ ყურუმსაღს სულ ნისია ვაძლიო, მერე როდისღა გამოვართო... მაგრამ რას ეტყვი, კაცო, ცოფიან ძაღლს?... ორი ჩაის სტაქანი ზედი ზედ გადაჭრა, ღმერთის მადლმა... მე, გამიწყრა ღმერთი, ერთი კი უთხარი: კაცო, გროშები ხომ არ გექნება მეთქი?... ისე დამიბღვერა, თითქო გვეღმა უკბინაო...

„ხომ არ გინდა ეგვეც წაგართოო, რა-ცა გაქვსო... ამოდენა ხალხსა სცარ. ცვამო და ერთხელ მე გაგცარცოო... კაცო, ხალხნო, აბა ვისთვის რა წამირთმევია, ვინ გამიცარცვამ?... ვა, ვამბობ, ეს რა ოხრობა გადამეკიდა მეთქი... აჰა, ძნაო მეთქი, კიდე მიირთვი მეთქი... ერთი სტაქანი არაყი კიდე დაუსხი... განა შერცხვა თუ იმ პირშავს?... ისე გადაყლაპა, ვათომც აქ არა ამბავიაო... ვა, გაგონილა ამისთანა იხრობა... ვა, მე იმის

მოურავი ვარ თუ როგორ არა... კაცო. მთელი ღამე მოსვენება არა მაქვს... მთელი ღღე საღდაც დეეთრევა... მოვა საღამოთი, და მთელი ღამე არა სძინამს... როგორც ეშმაკი თავის სახლის გარშემო ხეტიალოვს... ოხერი ფეხს არ დაუყენებს... ვა, ვფიქრობ... ერთი რო ბნედამ მოუაროს, აქ შემომივარდეს, რა უნდა ვქნა მეთქი... აბა ხომ იცი პოლიციის შიშით ერთი დაჯანგებული ხანჯალიც არ მიგდია, რა უნდა გააწყო... იმ უბედურ ვანუას დაღრჩობის მერე ხომ სულ გაგიჟდა... იმ თავის საცოდავ დედაკაცს ხომ ჰკლამს და ჰკლამს... ვა, ვა, რა ამბავია ხოლმე აქ, რო დაინახო... ლანძღვა, გინება... უფლის მადლმა შეიღნის მამალი კინტუა ვერ შეიგინება აგრე აი... უკაცრაო პასუხია დედას, მამას, მკვდარ და ცოცხალს სულ შიგ აურევს ხოლმე... ხან და ხან მიბეგვამს ხოლმე კიდეც... იმ დღეს ჩემი შაქრუა ლაპარაკობდა, ძან ჩხუბი ჰქონდათო... (გაბუას შავწვდის ღვინოს) აბა, გაბოჯან, მიირთვი... მე აქ არ ვიყავი... ცოლი ეუბნებოდაო: მეზიზღებიო, შენ ხელე-ბი სისხლში გაქვსო მოსვრილიო... შენ კაცი კი არა ნადირი, ქაჯი ხარო, უფლის მადლმა... შენ დაღუპე ის კაციო... ვინ კაცი, ეგ კი ვერ გაუგონია შაქრუას... მოჰკი-

დებია ცეცხლი ამ ცოფიან მგელს, მივარდნია... კახა, უნამუსოო... შენ ის გიყვარდაო, უტაცნია ხანჯლისთვის ხელი, და ი დედაკაცი რომ სახლში არ შევარდნილიყო და კარი არ ჩეგვეტა, ნამდვილათ მოჰკლამდაო... რა ვიცი, ცოდოს როგორ დავიღებ, უფლის მადლმა ისეთი ჩუმი და პატიოსანი დედაკაცია, ღვთის მადლმა არაფერი არ შემომჩნევია... ერთი უნდა ნახო რას დევმგზავსა, სულ დადნა აი... თელეთის მადლმა იარმუკის გამხმარი რებეცი იმაზე მსუქანია... მიჰკლამს, მოჰკლამს, უფლის მადლმა... ვა, ვა გაგონილა ასეთი საქმე... ვერ იქნა კაცო, ვერ გავიგე ის ვიზე ლაპარაკობდა: შენ დაღუპეო, ხელეგი სისხლში გაქვსო... ვამბობ, კაცო, ვინ უნდა იყოს მეთქი... გახსოვს გაზაფხულზე ვართაპეტას რომ მიუტყვიდნენ და მოჰკლეს, აი ნახამ თუ მაგის საქმე არ იყოს ეგა...

ვაზო. მაგ ნადირისაგან ყოველისფერი მოსალოდნელია... გული მთქვამს იმ უბედურ ვანუას საქმეში მაგას რალაც კული უღდეს... მე მაგისი არა დროს არც ერთობა მწამდა და არც ხალხისთვის ზრუნვა... ე—ეხ, ტყუილია იმ უბედურ ვანუასთანა... აი ე ჩვენი მიხა თუ ჩადგება იმის ფეხი, თორემ ამ ჩვენ ბიჭობაში ბევრი არა ყრიარა... სულ გაირყვენ, გასაძაგლდნენ... არც ერთი ერთმანეთის გატანა, არც სოფელს არას არგებენ... გაფუჭდა, გაფუჭდა ქვეყანა...

მიხა. რას იზამ ძია, ისეთი დრო დადგა... ხულიგნებით აიძსო ქვეყანა...

სვიმ. რა ვიცი, ე გიგუა თითქო შაგნებული ბიჭი იყო... იძახდნენ კამიტეტშიაც კი დაიარებოდაო... რა ღმერთი გაუწყრა, ვერ გამიგია...

საქო. ადამიანო! რას ამბობ?... მაგისთანა მგელს კამიტეტთან ახლო კი მიუშვებდნენ... განა მართლა ეგრეც არი... ღვთის მადლმა, იქაც ნასწავლი, კვეციანი ხალხი უნდა იყოს, თორემ განა როგორ მოახერხებდნენ მთელი ქვეყნის გადარევას... რის კამიტეტი, რის ერთობა მაგისთვის... ნამდვილი რაზბონიკ-ყაჩაღია, ღმერთის მადლმა... აბა სვიმონჯან მიირთვი (დასსხამს და შავწვდის).

სვიმ. კიდევაც იცოცხლეთ... ეს ღმერთმა აცოცხლოს ის კაცი, ვისაც სოფლისთვის, ხალხისთვის გული სტკივა... (სვამს... შემადიან მამსახლისი და ჩხაშვიდი.)

საქო. (იმით) ო—ო, მომსვლელთ გაუმარჯოა... სიღედღს ჰყვარებიხართ აი ჩემმა მზემ... მობძანდით შენი კირიმე (ყველანი წამოდგებიან).

მამ. კამპანიას გაუმარჯოს... მაშ როგორც ვატყობ საქმე გაგითავებიათ კიდეც... თორე აი პრისტავს გამოუგზავნია, შეიტყეო, ყიდულობენ თუ არა მამულსაო, თორემ მე თითონა მყავსო მსყიდველებიო...

სვიმ. ვყიდულობთ მაშა... აი ღმერთა უშველოს საქოს, ხელი გაგიმართათ... (ჩხაშვიდი ყველას ხელს ჩამოართმევს).


მამ. (საქოს) აი გიშველა ღმერთმა, საქო (სხდებიან ყველანი).

მიხ. ძლიერ ეჩქარება ჩვენ პრისტავს... ი კნიაში მზითვათ მამულს აძლევდა, „არაო ნაული მინდაო, მამული რათ მინდაო... იმიტო ყიდის ი კნიაში...



ინგილოური ტიპები.

ინგილო ქალიშვილი ს. კაკიდან, სრულ ინგილოურ ტანისამოსში.



სანგილოში: ბრინჯის სანაყი წყლის დინგი.

საქო. ცოტა მზე მოგვადგა... ისევ გრილოში, ღუქნის უკან ბაღში მობძანდით... ზიქო, შაქრო! აბა ერთი მწვადები ააგე ე მანდ სუკის ნაქერია... (შეუფანქვან დაუქანში. ცოტასანს უკან შემოდის გიგუა. ნატო, რომელიც დეკრუფანში იყო შეგას სახლში. გიგუა ჩამოჯდება დეკრუფანში ტახტზე)


გიგუა. (ცოტა სახუმის შერე) არც დღისათ, არც ღამით მოსვენება არა მაქვს... რაღაც მემართება... თავი ღამის არი გასქდეს... ვისაც კი შევხვდები, ვინც კი დამელაპარაკება... ყველგან იმის სახელი ისმის... იმას ლოცულობენ, აქებენ, აღიდებენ, აღმერთებენ... მთელი დღე დავეუბრევი, ღამე ვერ დამიძინია... სულ თვალ წინ მადგია... რა ძნელი ყოფილა ეს ოხერი... იმ დღიდან რაღაც მომავლა ზურგზე. და დღითი დღე როგორც თოვლის გუნდი, იზდებდა, მძიმდებდა... იქცევა ზვავათ... მაწვება... აი ახლა ისე მომავლა, რომ დამცა რაღაც დედა-მიწაზე... ვგრძობ ვიღრჩობი... საცაა გამქცელეთამს, გამსრისამს, და მაინც კიდევ ვფოფხამ, ვბობლამ... ვეჭიდები მიწას... ო—ოხ, არ სჯობს ერთი დაკვრით გავათაო... განა იქ, ჯოჯობხეთში ამაზე მეტი ტანჯვა შეიძლება... მაგრამ რა ტანჯვამ უნდა შემაშინოს... ეს ოხერი ჩემი სიცოცხლე, აბა რაღაც სიცოცხლეა, სიკვდილი ათას წილად მირჩევნია... მაგრამ კიდევ მაინც რაღაცას ვეჭიდები, ვერ გამიბედნია... მეშინიან?... რისა?... ამაზე მეტი ხომ არა დამემართებარა... (ცოტა ხანს გაჩუმდება) მე თითონ ძობას, ერთობას, ამხანაგობას ვქადაგობდი, და აი მე თითონვე სად მივადწიე... ჩამოაღრჩეს, რათა რისთვის?... ვინ არი დამნაშავე?... ვინ ჩამოაღრჩო?... რაო გასწირა თავისი თავი?... ჩემთვის?... მე დამიხსნა?... ვაი ამ დახსნას... მაგრამ მე ხომ არ ვთხოვდი მაგას?... ჰა, ჰა, ჰა, კიდევ რომ თავს ვიმართლებ... წუხელ ძილში ნატო სულ იმის სახელს იხსენიებდა... მაგრა ეძინა... ორჯელ სამჯერ დაიძახა, რაღაც ღიმილი, თითქო სიტკბოება ემჩნეოდა... რატომ არ დავკარ მაშინ შიგ გულში დანა?... ხელი ამიცახცახდა, თვალწინ მომელანდა საშინელი დაღურჯებული სახე, გადმოქცეტილი თვალები, გადმოგდებული ენა... დანა ხელიდან გამვარდა... ვერ გავბედე... ნუ თუ მლაღატობდა?... ნუ თუ მატყუებდა?... მაშ თუ კი ჩემ ოჯახში იმან ჩემი ალაგი დაიჭირა, რატომ ჩემივე მაგივრათ საღრჩობელაზედაც არ უნდა ასუ-

ლიყო?... მაგრამ მე რასა მშველის ეგა?... გინდაც რაღაც... აგრე ყოფილიყოს მე ხომ მაინც და მაინც შევშინდ... ამ დროს როცა ის გაბედულათ, ვაჟაკურად, გამირულად გამოვიდა, და განგებ ბრალი იღო თავზე, მე... მე?... მე დავიმალე... გაჩუმებული ვიყავი... გულში ისეთი ცეცხლი მიხურის, ისე ვიწვი და ტანზე კი სულ მცივა... სულ ვკანკალობ... ვგრძობ თავი მისივდება, ყელი მიშრება... სუნთქვა მეძნელდება... არც ძილი, არც მოსვენება... ეს ტიპი არაყიც აღარ მტკივდება... ვისხამ და ვისხამ, მაგრამ უფრო თითქოს ვფხიზლდები, უფრო ცხადათ ყველაფერი მეჩვენება... ვფიქრობდი, დავანებებ ყველაფერს თავს, წავალ თოფს მხარზე გადავიგდებ, ან მე მომკლამენ ან მე მოვკლამ მეთქი ვისმე... ბევრნი გავიდნენ აგრე ჩვენები... მაგრამ ეს ტანჯვა მაინც ხომ არ მომშორდებოდა... რაც იყო იმას ხომ ვეღარ მოვშლიდი, ვერ გავასწორებდი... მორჩა, გათავდა შეველა აღარ საიდ არის... იმის სახლის გვერდზე ვერ გამივლია შიშით... ასე მგონია რაღაც წამომამჯდება მეთქი კისერზე, მომიჭერს კლანჭებს, ძალით პირს დამალბინებს და დამაღრიალებს. რომ... რომ მე... მე ჩავიდინე ეგ ყოველისფერი... (გამოდის ნატო, მიდის დეკრუფანის შერე მხრისაკენ).

გიგუა. (ნატოს) აქ მოდი... (ნატო დაბრუნდება) მიეცი?..
ნატო. არ აიღო...
გიგო. რატომ?... არ გესმის, რო გეუბნები (მოდგება და მიუახლოვდება) თქვი რაღაც...
ნატო. ნუ მეკითხები... სჯობს რომ არა გითხრა რა...
გიგო. თქვი, მე გეუბნები რომ თქვი...
ნატო. შენ აგრე გინდა, და აჰა! „სისხლის სუნი უღისო...“
გიგუა. (სტატებს ხელს) შენ ეტყობი რასმე?... საიდან... რა უნდა იცოდეს იმან?..

ი. გედევანიშვილი.

(შემდეგი იქნება)



სანგილოში მერვე საუკუნეში მეფე არჩილის მიერ ს. ლექეთში აშენებულ ეკლესიის ნანგრევები. ზედ ფათალო ამოხუთა და ჰდარავს ეკლესიას.